

郊祀志第五上

漢書二十五

漢護

軍班

固撰

虞議奏行秘書監聚蘭園子顏

師古集註

洪範八政三曰祀

師古曰祀謂祭祀也

祀者所以昭孝

事祖通神明也旁及四夷莫不修之下至

禽獸豺獺有祭

師古曰禮記月令季秋之月豺祭獸孟春之月獺祭魚豺擊搏之獸

形似狗獺水居而食魚祭者謂殺之而布列以祭其先也豺音仕皆反獺音吐曷反

是以聖王

為之典禮民之精爽不貳齊肅聰明者神

或降之師古曰爽明也齊讀在男曰覲在女曰

巫師古曰巫覲亦通稱耳覲音下秋反使制神之處位為之牲

器使先聖之後能知山川敬於禮儀明神

之事者以為祝能知四時犧牲壇場上下

氏姓所出者以為宗應劭曰上下謂天地之屬神也氏姓王族之別也宗

大宗也臣瓚曰宗宗伯也師古曰二說皆非也祝謂主祭之贊詞者積土為壇平地為場氏姓謂神本所出及見所當為主者也宗宗人主神之列位尊卑者也春秋左氏傳曰虢公使祝應宗區享神也又云祝宗用馬于四墉並非宗伯及大宗也。劉敞曰予按春秋外傳曰夏公弗綦為宗自稱曰我為宗伯宗伯非宗何哉故

有神民之官各司其序不相亂也民神異

業敬而不黷師古曰黷汙深也黷音讀故神降之嘉生應

曰嘉穀也師古曰曰曰生謂衆瑞民以物序孟康曰各有分叙也災禍不至

所求不匱師古曰匱乏也及少昊之衰九黎亂德

孟康曰少昊時諸侯作亂者也韋昭曰黎氏九人也民神雜擾不可放物

而神弗蠲師古曰齊讀嘉生不降禍災存臻

莫盡其氣師古曰言不究其注命也顓頊受之廼命南正

師古曰言不究其注命也

師古曰言不究其注命也

師古曰言不究其注命也

師古曰言不究其注命也

師古曰言不究其注命也

通祀志上

重司天日屬神命火正黎司地日屬民應

曰黎陰官也火數二二地數也故火正司地以屬萬民師古曰屬委也以其事委之也屬音之欲反使復

舊常二相侵黷自共工氏霸九州其子曰

句龍能平水土死為社祠師古曰共工氏在太昊炎帝之間無祿而

主故謂之霸有烈山氏王天下其子曰柱能

殖百穀死為稷祠師古曰烈山氏炎帝故郊祀社稷所

從來尚矣師古曰尚上也謂起於上古虞書曰舜在璿璣玉

衡以齊七政師古曰虞書舜典也在察也璿美玉也璣轉而衡平以玉為璣衡謂渾天儀也七政日

郊祀志上

月五星也言舜觀察璣衡以齊同日月五星之政度合天意遂類于上帝禋于

六宗孟康曰六宗星辰風伯雨師司中司命一說云乾坤六子又一說天宗三日月星辰地宗三太

山河海或曰天地間游神也師古曰類以類祭也上帝天也潔精以祀謂之禋六宗之義說者多矣乾坤六子

其最通乎望秩于山川徧于羣神師古曰望謂在遠者望而祭之

秩次也羣神丘陵墳衍之屬揖五瑞師古曰揖與輯同揖合也五瑞公侯伯子男之瑞玉擇

吉月日見四嶽諸牧班瑞師古曰四嶽諸牧謂四方諸侯也班布也

歲二月東巡狩至于岱宗師古曰狩守也諸侯為天子守土故巡狩

岱宗泰山也柴望秩于山川師古曰柴積柴而播遂見

東后東后者諸侯也

師古曰后君也東方諸侯故謂之東后也

合時

月正日同律度量衡

師古曰時四時也月十二月也日三百六十日律六律也

度尺丈也量斛斗也衡斤兩也

修五禮五樂

師古曰五禮吉凶賓軍嘉也五樂謂春則

琴瑟夏則笙竽季夏則鼓秋則鍾冬則磬也五樂尚書作五玉今志亦有作五玉者五玉即五瑞

三帛

二牲一死為贄

師古曰二帛玄纁黃也二牲羔鴈也一死雉也贄者所執以為禮也

五

月巡狩至南嶽南嶽者衡也八月巡狩至

西嶽西嶽者華山也十一月巡狩至北嶽

北嶽者恒山也皆如岱宗之禮中嶽嵩高

郊祀志上

也五載一巡狩

師古曰此以上皆舜典所載

禹遵之後十三

世至帝孔甲淫德好神神黷二龍去之

應劭

曰夏帝孔甲天賜之乘龍河涉各二其後媿黷媿神故龍去之

其後十三世湯伐

桀欲遷夏社不可作夏社

應劭曰遭大旱十七年明德以薦而旱不止

故遷社以棄代為稷欲遷句龍德莫能繼故作夏社說不可遷之義也師古曰遷古遷字夏社尚書篇名今則

序在而廼遷烈山子柱而以周棄代為稷祠

後八世帝太戊有桑穀生於廷一暮大拱

師古曰穀即今之楮樹也其字從木合兩手曰拱

懼伊陟曰秩不勝德

師古曰伊陟太戊臣伊尹之子

太戊修德桑穀死伊陟贊巫

咸

孟康曰巫咸殷賢臣贊說也謂伊陟說其意也師古曰因此作咸又四篇事見尚書序其篇亦云逸

也後十三世帝武丁得傳說為相

師古曰說讀曰悅

殷復興焉稱高宗有雉登鼎耳而雉

師古曰雉雉鳴

音工豆反

武丁懼祖己曰修德武丁從之位以

永寧

師古曰事見商書說命及高宗彤日祖己殷之賢臣

後五世帝乙嫚

神而震死

師古曰帝乙武乙也為韋囊盛血仰而射之號曰射天後遇雷震而死

後

三世帝紂淫亂武王伐之由是觀之始末

郊祀志上

嘗不肅祗後稍怠慢也周公相成王王道

大治制禮作樂天子曰明堂辟雍

師古曰明堂辟雍解

在平紀

諸侯曰泮宮

師古曰泮言半也制度半於天子辟雍也泮音普半反

郊

祀后稷以配天宗祀文王於明堂以配上

帝

師古曰郊祀祀於郊也后稷周之始祖也宗尊也文王周始受命之王上帝太微五帝也

四海

之內各以其職來助祭天子祭天下名山

大川懷柔百神咸秩無文

師古曰懷來也柔安也言招來百神而安

處之也稱百者言其多也秩序也舊無禮文者皆以次序而祭之

五嶽視三公四

瀆視諸侯師古曰江河淮濟為四瀆瀆者發源而注海者也視謂其禮物之數也而

諸侯祭其疆內名山大川師古曰疆境也大夫祭門

戶井竈中雷五祀韋昭曰古者穴居故名室中為中雷士庶人祖

考而已各有典禮而淫祀有禁後十三世

世益衰禮樂廢幽王無道為犬戎所敗平

王東徙維陽○宋祁曰越本陽作邑秦襄公攻戎救周

列為諸侯而居西自以為主少昊之神作

西時祠白帝其牲用騊駼黃牛羝羊各一

郊祀志上

云師古曰騊赤馬黑鬣尾也羝牲羊也騊音留羝音丁奚反其後十四年秦

文公東獵汧渭之間師古曰汧渭二水名汧音牽卜居之

而吉文公夢黃虵自天下屬地師古曰屬著也音之欲反

其口止於鄜衍李奇曰鄜音孚三輔謂山阪間為衍晉灼曰左馮翊鄜縣之衍也師

古曰今之鄜州蓋取名於此也文公問史敦師古曰秦之太史也敦其名也敦曰

此上帝之徵君其祠之於是作鄜時用三

牲郊祭白帝焉自未作鄜時而雍旁故有

吳陽武時李奇曰於旁有吳陽地也雍東有好時皆廢無

祀或曰自古以雍州積高神明之隩師古曰

居者曰隩音於六反故立時郊上帝諸祠皆聚云蓋黃

帝時嘗用事雖晚周亦郊焉師古曰晚謂末時也其語

不經見縉紳者弗道李奇曰摺插也插笏於紳紳大帶也臣瓚曰縉赤白

色也紳大帶也左氏傳有縉雲氏師古曰李云縉插是也字本作摺插笏於大帶與革帶之間耳非插於大帶

也或作薦紳者亦謂薦笏於紳帶之間其義同作鄜時後九年文公獲

若石云于陳倉北阪城祠之蘇林曰質如石似肝師古曰陳倉之

北阪上城中也云語辭也。劉敞曰蓋於陳倉其神

郊祀志上

或歲不至或歲數來也常以夜光輝若流星

星從東方來集于祠城若雄雉其聲殷殷

云野雞夜鳴師古曰殷殷聲也云傳聲之亂也野雞亦雉也避吕后諱故曰野雞言陳寶若

來而有聲則野雞皆鳴以應之也上言雄雉下言野雞史駁文也殷音隱以一牢祠之

名曰陳寶臣瓚曰陳倉縣有寶夫人祠或一歲或二歲與葉君合葉君神來時天為之殷

殷雷鳴雉為之雉也作陳寶祠後七十一年秦德公立

卜居雍師古曰即今之雍縣子孫飲馬於河遂都雍雍

之諸祠自此興用三百牢於鄜時作伏祠

孟康曰六月伏日也周時無至此乃有之師古曰伏者謂陰氣將起迫於殘陽而未得升故為臧伏因名伏日也立秋之後以金代火金畏火也

災後四年秦宣公作密時於渭南祭青帝後十三年秦穆公立病卧五日不寤師古曰寤覺也

覺音公寤廼言夢見上帝師古曰上帝謂天也上帝命穆

公平晉亂史書而臧之府師古曰府臧書之處而後世

皆曰上天穆公立九年齊桓公既霸會諸

侯於葵丘而欲封禪師古曰葵丘會在僖九年葵丘在陳留外黃縣東封

地記志上

禪者封土於山而禪祭於地也禪音上戰反解在武紀管仲曰古者封泰山

禪梁父者七十二家師古曰梁父音甫而夷吾所記者

十有二焉昔無懷氏封泰山禪云云鄭氏曰無

懷氏古之王者在伏羲前見莊子服虔曰云云在梁父東山名也晉灼曰云云山在家陰縣故城東北下有云

云處義封泰山禪云云師古曰處讀曰伏神農氏封

泰山禪云云炎帝封泰山禪云云李奇曰炎帝神農後

黃帝封泰山禪亭亭服虔曰亭亭山在牟陰晉灼曰地理志鉅平有亭亭

山師古曰顓頊封泰山禪云云帝嚳封泰山

晉說是也

禪云云堯封泰山禪云云舜封泰山禪云

云禹封泰山禪會稽湯封泰山禪云云周成

王封泰山禪於社首應劭曰山名在博縣晉灼曰在鉅平南十二里師古

曰晉言說是也皆受命然後得封禪桓公曰寡人

北伐山戎過孤竹應劭曰伯夷國也在遼西今支師古曰令音郎定反支音

神祇之祇西伐東馬縣車上卑耳之山韋昭曰將

其馬縣鈞其車也卑耳即齊語所謂辟耳南伐至召陵師曰召陵楚地也在汝南召讀曰劭登熊耳山

以望江漢師古曰熊耳山在順陽其陽縣東非禹真所云導洛自熊耳者也其山兩峯狀亦若熊耳因以為名也兵車之

禮記志上

會三乘車之會六九合諸侯一匡天下師古

師古

曰兵車之會三謂莊十三年會於北杏以平宋亂僖四年侵蔡蔡潰遂伐楚次于陘六年伐鄭圍新城也乘車之會六謂莊十四年會于鄆十五年又會于鄆十六年同盟于幽僖五年會于首止八年盟于洮九年會于葵丘也匡正也一匡天下謂定襄王為天子之位也一說謂陽穀之會令諸侯云無障谷無貯粟無以妾為妻天下皆從故云諸侯莫違我昔三代受命亦何

以異乎於是管仲睹桓公不可窮以辭因

設之以事曰古之封禪鄔上黍北里禾所

以為盛應劭曰鄔音羅蘇林曰鄔上北里皆地名也師古曰盛謂以實簋簋江淮間

一茅三脊所以為藉也服虔曰茅草有三脊也張晏曰謂靈茅也師古

曰藉以籍地也音才夜反東海致比目之魚師古曰爾雅云東方有比目魚焉不

比不行其名謂西海致比翼之鳥師古曰山海經云崇吾之

山有鳥狀如鳧而一翼一目相得乃飛其名曰鸕爾雅曰南方有比翼鳥焉不比不飛其名謂之鸕鸕而管仲

乃云西海其說異也然後物有不召而自至者十有五

焉今鳳凰麒麟不至嘉禾不生而蓬蒿藜

莠茂鴟梟羣翔師古曰蓬蒿藜莠皆穢惡之草梟不祥之鳥也鴟蓋今所謂角鴟也

梟土梟也而欲封禪無乃不可乎於是桓公乃

鄒記志上

止是歲秦穆公納晉君夷吾其後三置晉

國之君平其亂師古曰三立其君謂惠公懷公文公穆公立三十

九年而卒後五十年周靈王即位時諸侯

莫朝周襄弘廼明鬼神事師古曰襄弘周大夫設射不

來不來者諸侯之不來朝者也依物怪欲

以致諸侯諸侯弗從而周室愈微後二世

至敬王時晉人殺襄弘李奇曰周為晉殺之也師古曰春秋左氏傳哀

公三年傳稱劉氏范氏出為婚姻襄弘事劉文公故周與范氏趙鞅以為討周人殺襄弘也是時

歲立

季氏專魯旅於泰山仲尼譏之

師古曰旅陳也陳禮物而

祭之也陪臣祭泰山僭諸侯之禮孔子非之

曰嗚呼曾謂泰山不如林放乎事見論語

公作密時後二百五十年而秦靈公於吳

陽作上時祭黃帝作下時祭炎帝後四十

八年周太史儋見秦獻公

孟康曰太史儋謂老子也師古曰此

亦周公太史名非必老聃老聃非秦獻公時儋音丁甘反又吐甘反

曰周始與秦國

合而別別五百載當復合

應劭曰秦伯翳之後也始周孝王封

非子為附庸邑諸秦平王東遷洛邑襄公以兵衛之嘉其勲力列為侯伯與周別五百載矣昭王時西周君自

郊祀志上

歸受罪盡獻其邑三十六城此復合也孟康曰謂周封秦為別秦并周為台此襄王為霸始皇為王也韋昭曰周封秦為始別謂秦仲也五百歲謂從秦仲至孝公彊大顯王致伯與之親合也師古曰諸家之說皆非也自非子至西周獻邑凡六百五十三歲自仲至顯王二十年孝公稱伯止有四百二十六歲皆不台五百之數也按史記秦本紀及年表並云周平王封襄公始列為諸侯於是始與諸侯通又周本紀及吳齊晉楚諸系家皆言幽王為大戎所殺秦始列為諸侯正與此志符會是乃為別至昭襄王五十二年西周君自歸獻邑凡五百一十六年是為合也言五百者舉其成數也。劉氏校本云注文符會上無志字

而伯王出焉

韋昭曰武王昭王皆伯至始皇而王天下師古曰七十當為十七今史記

舊本皆作十七字伯王者指謂始皇始皇初立政在太

后嫪毐未得稱伯自昭王滅周後至始皇九年誅嫪毐

大九

卷之五

七

末

止十七年本紀年表其義顯而韋氏乃僖見後七
合武王昭王為數失之遠矣伯讀曰霸

年櫟陽兩金獻公以為得金瑞故作畦時

櫟陽而祀白帝師古曰畦時者如種韭畦之形而時於畦中各為一土封也畦音下

主反。宋祁曰越本獻公下有自字後百二十歲周赧王卒九鼎

入于秦或曰周顯王之四十二年宋大丘

社云師古曰爾雅云左陵泰丘謂丘左有陵者其名泰丘也郭璞云宋有泰丘蓋以丘名此地也

而鼎淪沒於泗水彭城下自赧王卒後七

年秦莊襄王滅東周周祀絕後二十八年

郊祀志上

秦并天下稱皇帝秦始皇帝既即位或曰

黃帝得土德黃龍地蟪見應劭曰蟪丘蚘也黃帝土德故地見其神

蚘大五六圍長十餘丈如溥曰呂氏春秋云黃帝之時天先見大蟻大蟪黃帝曰土氣勝故其色尚黃師古曰

蟪音引蟻音樓謂蟻蛄也夏得木德青龍止於郊草木鬯

茂師古曰鬯與暢同殷得金德銀自山溢蘇林曰流出也周得

火德有赤烏之符師古曰謂武王伐紂師渡孟津之時也尚書中候曰有火自天

止于王屋流為赤烏五至以穀俱來。宋祁曰秦變溥化未注末云五至之數也無以穀俱來四字秦變

周水德之時昔文公出獵獲黑龍此其水

德之瑞於是秦更名河曰德水以冬十月
為年首色上黑度巨六為名張晏曰水北方黑終數六故以

方六寸為符六尺為步音上大呂師古曰大呂陰律之始也事統上法

服虔曰政尚法令也臣瓚曰水陰陰主刑殺故上法即帝位三年東巡狩

郡縣祠騶嶧山蘇林曰騶魯縣也臣瓚曰嶧山在北京師古曰嶧音亦○劉氏校本

云監本無符字頌功業師古曰謂刻石自著功業於是從齊魯之儒

生博士七十人至于泰山下諸儒生或議

曰古者封禪為蒲車與傷山之土石草木

郊祀志上

師古曰蒲車以蒲裹輪掃地而祠席用苴藉應劭曰藉藁本也去皮以

為席如淳曰苴讀如租藉讀如夏晉灼曰苴藉也師古曰茅藉也苴字本作菹假借用言其易

遵也始皇聞此議各乘異難施用由此黜

儒生師古曰黜退也而遂除車道上自泰山陽至顛

立石頌德明其得封也從陰道下師古曰山南曰陽山

北曰陰禪於梁父其禮頗采泰祝之祀雍上

帝所用而封臧皆祕之世不得而記也宋

祁曰越本無也字始皇之上泰山中阪遇暴風雨

休於大樹下諸儒既黜不得與封禪師古曰與讀曰

也聞始皇遇風雨即譏之於是始皇遂東

游海上行禮祠各山川及八神求僊人羨

門之屬應劭曰羨門名子高古仙人也師古曰古亦以僊為仙字下皆類此。宋祁曰注文僊字

下當有字字下八神將自古而有之或曰太

公臣來作之齊所以為齊蘇林曰天齊也當天中

央齊也師古曰謂其眾神異如天之腹齊也其祀絕莫知起時八神

一曰天主祠天齊天齊淵水居臨菑南郊

郊祀志上

山下下者師古曰下下謂最下也臨菑城南二曰

地主祠泰山梁父蓋天好陰祠之必於高

山之下時命曰時師古曰名其祭處曰時也地貴陽祭之

必於澤中園丘云三曰兵主祠蚩尤蚩尤

在東平陸監鄉齊之西竟也師古曰東平陸縣名也監其縣

之鄉名也四曰陰主祠三山師古曰三山即五曰

陽主祠之栗山韋昭曰之栗山在東萊睡縣師古曰栗音浮睡音直瑞反。宋祁曰

姚本注文無之字及縣字六曰月主祠之萊山韋昭曰在東萊長廣也

皆在齊北竝勃海師古曰竝音步浪反七日日主祠盛

山盛山斗入海韋昭曰盛山在東萊不夜縣斗入海也師古曰斗絕也盛音成最

居齊東北陽呂迎日出云八曰四時主祠

琅邪琅邪在齊東北蓋歲之所始師古曰山

邪臺在勃海間謂臨海有山形如臺也。○宋祁曰新本最作聚皆各用牢具祠而

巫祝所損益圭幣雜異焉師古曰言八神牲牢皆同而圭幣各異也

自齊威宣時騶子之徒論著終始五德之

運如淳曰今其書有五德終始五德各以所勝為行秦謂周為火德滅火者水故自謂水德師古曰騶

郊祀志上

子即騶衍及秦帝而齊人奏之故始皇采用之

而宋毋忌正伯僑元尚羨門高最後皆燕

人為方僊道韋昭曰皆慕古人之名効為神仙者也師古曰自宋毋忌至最後皆其人

姓名也形解銷化服虔曰尸解也張晏曰人老而解去故骨如變化也今山中有龍骨

於王子喬王子喬化為白蜺文子驚引戈擊之俯而見

之王子喬之尸也須臾則為大鳥依於鬼神之事

騶衍以陰陽主運晉灼曰燕昭王築宮師之故作主運之篇也如淳曰今其書有

事隨方面為服也主運五行相次轉用顯於諸侯而燕齊海上之

方士傳其術不能通然則怪迂阿諛苟合之徒自此興不可勝數也師古曰迂謂回遠也音于自威

宣燕昭使人入海求蓬萊方丈瀛洲此三

神山者其傳在勃海中

服虔曰其傳書云爾臣瓚曰世人相傳云爾師

古曰瓚說見也

去人不遠蓋嘗有至者諸僂人及不

死之藥皆在焉其物禽獸盡白而黃金銀

為宮闕未至望之如雲及到三神山反居

水下水臨之患且至則風輒引舡而去終

郭紀志上

莫能至云世主莫不甘心焉

師古曰甘心言貪嗜之心不能

也也及秦始皇至海上則方士爭言之始皇

如恐弗及使人齋童男女入海求之船交

海中皆以風為解

師古曰自解說云為風不得至

曰未能至

望見之焉其明年始皇復游海上至琅邪

過恒山從上黨歸後三年游碣石考入海

方士

師古曰考按其虛實也○宋祁曰景本碣作碣

從上郡歸後五年

始皇南至湘山遂登會稽竝海上

師古曰附海而上也

泣音步浪反 幾遇海中三神山之奇藥 師古曰幾

上音時掌反 不得還到沙丘崩 臣瓚曰沙丘在鉅鹿縣東北也 二世

元年東巡碣石並海 師古曰並音步浪反 南歷泰山至

會稽皆禮祠之而胡亥勒始皇所立石書

旁以章始皇之功德 師古曰今此諸山皆有始皇所刻石及胡亥重刻其

文並具存焉 其秋諸侯叛秦三年而二世弑死始

皇封禪之後十二年而秦亡諸儒生疾秦

皇焚詩書誅滅文學百姓怨其法天下叛

雜記志上

之皆說曰始皇上泰山為風雨所擊不得

封禪云此豈所謂無其德而用其事者邪

昔三代之居皆河洛之間 師古曰謂夏都安邑殷都朝歌周都洛陽

故嵩高為中嶽而四嶽各如其方四瀆咸

在山東至秦稱帝都咸陽則五嶽四瀆皆

并在東方自五帝以至秦迭興迭衰 師古曰迭互也

音大 名山大川或在諸侯或在天子其禮

損益世殊不可勝記 師古曰代代殊異故不可盡記 及秦并天

六十九五

下令祠官所常奉天地名山大川鬼神可得而序也於是自嶠以東名山五大川祠

二 師古曰嶠即今之陝州二嶠也 曰太室太室嵩高也恒山

泰山會稽湘山水曰沔曰淮 師古曰沔音子禮反此本濟水

之字○宋祁曰邵本湘作相 曰春以脯酒為歲禱因泮凍 服

曰解凍也師古曰泮音普半反 曰秋涸凍 師古曰涸讀與互同互疑

則疑之春秋左氏傳曰固陰互寒禮 冬塞禱祠 師

記月令曰孟冬行春令則凍閉不密 曰塞謂報其所祈也 其牲用牛犢各一牢具圭

郊祀志上

幣各異自華以西名山七名川四曰華山

薄山薄山者襄山也 師古曰說者云薄山在河東一曰在潼關北十餘里

而此志云自華以西者則今閩鄉 曰嶽山岐山吳山

鴻冢瀆山瀆山蜀之岷山也 師古曰周禮職方氏雍州其山曰嶽

爾雅亦云向西曰嶽說者咸云嶽即吳嶽也今志有嶽 又有吳山則吳嶽非一山之名但未詳嶽之所在耳徐

廣云嶽山在武功據地理志武功但有垂山無嶽山也 岐山即在今之岐山縣其山兩岐俗呼為箭筒括嶺吳山

在今隴州吳山縣鴻冢 水曰河祠臨晉 師古曰即

朝邑 師古曰沔漢水之上名也漢 縣界 沔祠漢中 中今梁州是也沔音彌善反 湫淵

祠朝那

蘇林曰湫淵在安定朝那縣方四十里停水不流冬夏不增不減不生草木音將兼反在

涿郡道縣師古曰此水今在涇州界清澈可愛不容穢濁或誼汚輒興雲雨土俗亢旱每於此求之相傳云龍

之所居也而天下山川猥曲亦往往有之湫音子由反江水祠蜀亦春秋泮

涸禱塞如東方山川而牲亦牛犢牢具圭

幣各異而四大冢鴻岐吳嶽皆有嘗禾孟康

曰以新穀祭之陳寶節來祠服虔曰陳寶神應節來也其河加有嘗

醪此皆雍州之域近天子都故加車一乘

駟駒四霸產豐滂涇渭長水皆在大山川

郊祀志上

數

師古曰霸產出藍田豐勞出鄠長水者言其源流長也滂音勞

且近咸陽盡

得比山川祠而無諸加

師古曰加謂車及駟駒之屬

汧洛二

淵鳴澤蒲山嶽壻山之屬

蘇林曰壻音胥韋昭曰音蘇計及師古曰

韋說是也為小山川亦皆禱塞泮涸祠禮不必

同而雍有日月參辰南北斗熒惑太白歲

星填星辰星二十八宿風伯雨師四海九

臣十四臣諸布諸嚴諸逐之屬百有餘廟

師古曰風伯飛廉也兩師屏翳也一曰屏號而說者乃謂風伯箕星也兩師畢星也此志既言二十八宿又有

風伯雨師則知非箕畢也九臣十四臣不見名數所出
諸布諸嚴諸逐未聞其義逐字或作速音求屏並音步
丁反。劉奉世曰二十八宿既已西亦有數十祠
備而又言參與南北斗蓋衍字也

於湖有周天子祠於下邳有天神豐鎬有

昭明天子辟池於杜亳有五杜主之祠壽

星祠韋昭曰亳音薄湯所都也臣瓚曰濟陰薄縣是也師古曰杜即京北杜縣也此亳非湯都也不

在濟陰徐廣云京北杜縣有薄亭斯近之矣而雍菅廟祠亦有杜主

李奇曰菅茅也師古曰菅音姦杜主故周之右將軍師古曰墨子云周宣

王殺杜伯不以罪後宣王田於圃田見杜伯執弓矢射其宣王伏弓衣而死故周人尊其鬼而右之蓋謂此也其

鄭祀志上

在秦中最小鬼之神者也師古曰其鬼雖小而有神靈也各以

歲時奉祠唯雍四時上帝為尊其光景動

人民唯陳寶故雍四時春以為歲祠禱因

泮凍秋涸凍冬賽祠五月嘗駒及四中之

月月祠師古曰中讀曰仲謂四時之仲月皆祠之若陳寶節來一祠

宋祁曰新本無若字春夏用駢秋冬用駢師古曰駢純赤色也音先

營時駒四匹師古曰每時用駒四匹而春秋異色木寓龍一駒師古曰駒亦四龍也李

日寓寄也寄生龍形於木也師古曰一駒亦四龍也木

寓車馬一駟各如其帝色黃犢羔各四圭幣各有數皆生瘞埋無俎豆之具三年一郊秦以十月為歲首故常以十月上宿郊見李奇曰上宿上齋戒也。宋祁曰越本注云上宿月上旬也。通權火張晏曰火也狀若井挈臯矣其法類稱故謂之權火欲令光明遠照通於祀所也漢祀五時於雍五十里一塗火如淳曰權舉也師古曰凡祭祀通舉火者或以天子不親至祠所而望拜或以衆祠各處欲其一時薦饗宜知早晏故以火為之節度也它皆類此拜於咸陽之旁而衣上白其用如經祠云服虔曰經常也西時畦時祠如其故上

郊祀志上

不親往諸此祠皆太祝常主以歲時奉祠之至如它名山川諸神及八神之屬上過則祠去則已郡縣遠方祠者民各自奉祠不領於天子之祝官祝官有祕祝即有災祥輒祝祠移過於下漢興高祖初起殺大蛇有物曰蛇白帝子而殺者赤帝子也師古曰物謂鬼神也。宋祁曰赤帝子也邵本無也字

及高祖禱豐粉榆社鄭氏曰粉榆鄉名也社在粉榆晉灼曰粉白榆也社在豐東北

十五里師古曰以此樹為社神因立名也粉音符云反徇沛為沛公則祀蚩

小文十九

尤釁鼓旗遂以十月至霸上立為漢王因以十月為年首色上赤二年冬東擊項籍而還入關問故秦時上帝祠何帝也對曰四帝有白青黃赤帝之祠高祖曰吾聞天有五帝而四何也莫知其說於是高祖曰吾知之矣廼待我而具五也廼立黑帝祠名曰北畤有司進祠上不親往悉召故秦祀官復置太祝太宰如其故儀禮因令縣

郊祀志上

為公社

李奇曰猶官社

下詔曰吾甚重祠而敬祭今

上帝之祭及山川諸神當祠者各以其時

禮祠之如故

○宋祁曰淳化本作各以其禮時祠如故

後四歲天下

已定詔御史令豐治粉榆社常以時春以羊彘祠之令祝立蚩尤之祠於長安長安

置祠祀官女巫

○宋祁曰邵本無下長安二字

其梁巫祠天地

天社天水房中堂上之屬晉巫祠五帝東

君雲中君巫社巫祠族人炊之屬

服虔曰東君以下皆

神名也師古曰東君日也雲中君謂雲神也巫社巫祠皆古巫之神也族人炊古主炊母之神也炊謂饘爨也

秦巫祠杜主巫保族爨之屬師古曰杜主即上所云五杜主也巫保族爨二神名累音力追反荆巫祠堂下巫先司命施糜

之屬師古曰堂下在堂之下巫先巫之最先者也司命說者云文昌第四星也施糜其先常施設糜

也鬻者九天巫祠九天師古曰九天者謂中央鈞天也

天西北幽天西方浩天西南朱天南方炎天東南陽天也其說見淮南子一說云東方旻天東南陽天南方赤

天西南朱天西方成天西北幽天北方玄天東北變天中央鈞天也皆以歲時祠宮

中其河巫祠河於臨晉且而南山巫祠南山

卷之七

秦中秦中者二世皇帝也張晏曰以其疆死魂魄為厲故祠之成帝

時匡衡奏罷之宋各有時日其後二歲或言

曰周興而邑立后稷之祠師古曰以其有播種之功故令天下諸邑

皆祠之至今血食天下師古曰祭有牲牢故於是

高祖制詔御史其令天下立靈星祠張晏曰龍

星左角曰天田則農祥也晨見而祭之常以歲時祠以牛高祖十

年春有司請令縣常以春二月及臘祠稷

以羊彘民里社各自裁以祠師古曰隨其祠具之豐儉也

制曰可文帝即位十三年下詔曰祕祝之
官移過於下朕甚弗取其除之始名山大
川在諸侯諸侯祝各自奉祠天子官不領
及齊淮南國廢令大祝盡以歲時致禮如
故明年以歲比登師古曰年穀頻熟也詔有司增雍五
時路車各一乘駕被具師古曰駕車被馬之飾皆具也被音皮義反下
亦同西時畦時寓車各一乘寓馬四匹駕被
具河湫漢水玉加各二及諸祀皆廣壇場

郊祀志上

圭幣俎豆以差加之魯人公孫臣上書曰

始秦得水德及漢受之推終始傳鄭氏曰音亭傳師古

曰音張戀反謂轉次之則漢當土德土德之應黃龍見

宜改正朔服色上黃時丞相張蒼好律歷

以為漢迺水德之時河決金隄其符也年

始冬十月色外黑內赤服虔曰十月陰氣在外故外黑陽氣尚伏在地

故內赤也或曰十月百草外黑內赤也與德相應公孫臣言非是

罷之明年黃龍見成紀師古曰天水之縣也文帝召公

孫臣拜為博士與諸生申明土德草改歷

服色事

師古曰草謂創造之後例皆同也

其夏下詔曰有異物

之神見于成紀毋害於民歲以有年朕幾

郊祀上帝諸神

師古曰幾讀曰異

禮官議毋諱以朕

勞

師古曰無諱以朕為勞自言不以為勞也晉灼曰諱忌難也

有司皆曰古者

天子夏親郊祀上帝於郊故曰郊

師古曰邑外謂之郊

於是夏四月文帝始幸雍郊見五時

劉放曰予謂

三王之郊一用夏正干時據十月為歲首故言夏郊也

祠衣皆上赤趙人新

郊祀志一

垣平以望氣見上言長安東北有神氣成

五采若人冠冕焉或曰東北神明之舍西

方神明之墓也

張晏曰神明日也日出東北舍謂陽谷日沒於西故曰墓墓濛谷也

師古曰此說非也蓋總言凡神明以東北為居西方為冢墓之所故立廟於涇陽者也

天瑞下

宜立祠上帝以合符應於是作涇陽五帝

廟同宇

師古曰宇謂屋之覆也言同一屋之下而別為五廟各立門室也廟記云五帝廟在長安

東北也

帝一殿面五門各如其帝色祠所用

及儀亦如雍五時明年夏四月文帝親拜

霸渭之會

如傳曰二水之合也

以郊見渭陽五帝五帝

廟臨渭其北穿蒲池溝水

師古曰蒲池為此而種蒲蒲字或作蒲言

其水蒲也。宋祁曰姚本無下五帝二字

權火舉而祠若光輝然屬

天焉

師古曰屬屬也音之欲反

於是貴平至上大夫賜累千

金而使博士諸生刺六經中作王制

師古曰刺采取

之也音千賜反

謀議巡狩封禪事文帝出長門

如淳曰亭名也

若見五人於道北遂因其直立五帝壇

鄭

曰因其所立處以立祠也師古曰直猶當也當其處

祠以五牢其明年平

郊祀志上

使人持玉杯上書闕下獻之平言上曰闕

下有寶玉氣來者已視之果有獻玉杯者

刻曰人主延壽平又言臣侯日冉中居頃

之日卻復中於是始更以十七年為元年

令天下大酺平言曰周鼎亡在泗水中今

河波通於泗臣望東北汾陰直有金寶氣

師古曰汾陰直謂正當汾陰也

意周鼎其出乎兆見不迎則

不至於是上使使治廟汾陰南臨河欲祠

出周鼎人有上書告平所言皆詐也下吏

治誅夷平師古曰夷者平也謂盡平除其家室宗族是後文帝怠

於改正服鬼神之事師古曰正正朝也服服色也正音之成反而渭

陽長門五帝使祠官領以時致禮不往焉

明年匈奴數入邊師古曰數音所角反興兵守御後歲

少不登數歲而孝景即位十六年祠官各

以歲時祠如故無有所興武帝初即位尤

敬鬼神之祀漢興已六十餘歲矣天下艾

安師古曰艾讀曰义义治也漢書皆以艾為义其義類此也縉紳之屬皆望

天子封禪改正度也師古曰正亦正朔度量也服色度量互言之耳

而上鄉儒術師古曰鄉讀曰嚮招賢良趙綰王臧等

以文學為公卿欲議古立明堂城南以朝

諸侯草巡狩封禪改歷服色事未就師古曰就成也

竇太后不好儒術使人微伺趙綰等姦利

事按綰臧綰自殺諸所興為皆廢六年

竇太后崩其明年徵文學之士明年上初

紀古一

志游水水名在臨淮淮浦也師古曰二說皆非也游水姓也發根名也蓋因水為姓也本嘗遇病而鬼下之故也

也巫上召置祠之甘泉及病使人問神君神君

言曰天子無憂病病少瘳彊與我會甘泉於

是上病瘳遂起幸甘泉病良已孟康曰良已善已謂瘳也大

赦置壽宮神君孟康曰更立此宮也臣瓚曰壽宮奉神之宮也楚辭曰蹇將澹兮壽宮也神

君最貴者曰太一其佐曰太禁司命之屬皆

從之非可得見聞其言言與人音等時去時

來來則風肅然居室帷中時晝言然常以夜

郊祀志上

天子被然後入孟康曰崇繫自除被然後入也師古曰被音發勿反因巫為

主人閑飲食所欲言行下李奇曰神所欲言上輒為下之也巫曰灼曰

又置壽宮北宮張羽旗設

共具師古曰共讀曰供音居用反以禮神君神君所言上

使受書其名曰畫法孟康曰策畫之法也其所言世

俗之所知也無絕殊者而天子心獨憲其

事祕世莫知也師古曰憲讀曰喜志好也音許吏反後二年有

司言元宜以天瑞不宜以一二數蘇林曰得諸瑞以名

視其書不經師古曰不疑其妄言謝曰寶鼎

事已決矣尚何以爲師古曰謂不卿因嬖人

奏之上大說師古曰說廼召問卿對曰受此

書申公申公已死上曰申公何人也卿曰

齊人與安期生通受黃帝言無書獨有此

鼎書曰漢興復當黃帝之時曰漢之聖者

在高祖之孫且曾孫也寶鼎出而與神通

封禪封禪七十二王唯黃帝得上泰山封

封禪封禪七十二王唯黃帝得上泰山封

申公曰漢帝亦當上封禪封禪則能僊登

天矣黃帝萬諸侯而神靈之封君七千應劭

曰黃帝時諸侯會封禪者七千人也李奇曰說仙道得

封者七千國也張晏曰神靈之封謂山川之守也師古

曰張說具也山川之守謂尊山川之神令主祭祀也即

國語所云注芒氏之君守封嶠之山也。劉氏校本云

監本作亦當上封上封則天下名山八而三在

蠻夷五在中國○宋祁曰淳化本中國華山

首山大室山泰山東萊山此五山黃帝之

所常游與神會黃帝且戰且學僊惠百姓

子先

非其道廼斷斬非鬼神者百餘歲然後得

與神通黃帝郊雍上帝宿三月鬼史區號

大鴻死葬雍故鴻冢是也蘇林曰今雍有鴻冢其後黃

帝接萬靈明庭明庭者甘泉也所謂寒門

者谷口也服虔曰黃帝升仙之處也師古曰谷口仲山之谷也漢時為縣今呼之治谷是也以

仲山之北寒涼故謂此谷為寒門也黃帝采首山銅鑄鼎於荆

山下晉灼曰地理志首山屬河東蒲坂荆山在馮翊懷德縣也鼎既成有龍

垂胡顛下迎黃帝師古曰胡謂頸下垂肉也顛其毛也音人占反黃

郊祀志上

帝上騎羣臣後宮從上龍七十餘人龍廼

上去餘小臣不得上廼悉持龍顛龍顛技

墮墮黃帝之弓百姓印望師古曰印讀曰仰黃帝既

上天乃抱其弓與龍顛號故後世因名其

處曰鼎湖其弓曰烏號於是天子曰嗟乎

誠得如黃帝吾視去妻子如脫屣耳師古曰屣小履

脫屣者言其便易無所顧也屣音山爾反拜卿為郎使東候神於太

室上遂郊雍至隴西登空桐幸甘泉令祠

官寬舒等具泰一祠壇祠壇放亳忌泰一

壇三陔

師古曰陔重也三陔三重壇也音該

五帝壇環居其下各

如其方黃帝西南除八通鬼道

服虔曰坤位在未黃帝從

位泰一所用如雍一時物而加醴棗脯之

屬殺一毫牛

李奇曰音狸師古曰西南夷長尾髦之牛也一音茅

以為俎

且牢具而五帝獨有俎且醴進

師古曰具俎且酒醴而進

之一曰進謂雜物之具所以加禮也其下四方地為膾食羣神從

者及北斗云

師古曰膾字與綴同謂聯續而祭也音竹芮反食讀日飲

巳祠

郊祀志上

胙餘皆燎之

師古曰胙謂祭餘酒肉也

其牛色白白鹿居

其中羘在鹿中鹿中水而酒之

服虔曰水玄酒酒真酒也

晉灼曰此言合牲物而燎之也師古曰言以內鹿內牛中以羘內鹿中又以水及酒合內廄祭日

以牛祭月以羊羘特

師古曰若牛若羊若羘若羘止一牲也

泰一

祝宰則衣紫及繡五帝各如其色日赤月

白十一月辛巳朔旦冬至物爽

師古曰物爽謂日尚真美也

未明之時也物音忽天子始郊拜泰一朝朝日夕夕月

師古曰以朝旦拜日夕夕月則揖而見泰一如雍郊禮

○劉敞曰則其贊饗曰天始以寶鼎辨神策授

皇帝朔而又朔終而復始皇帝敬拜見焉

師古曰贊饗謂祝辭而衣上黃其祠列火蒲壇壇旁身

效具有司云祠上有先公卿言皇帝始郊

見泰一雲陽有司奉瑄玉孟康曰璧大六寸謂之瑄嘉牲

薦饗師古曰漢舊儀云祭天養牛五歲至三千斤也是夜有美光及晝

黃氣上屬蜀天師古曰屬音之欲反太史令談祠官寬舒

等曰神靈之休祐福兆祥宜因此地先域

立泰時壇以明應師古曰明著美光及黃氣之祥應令太祝領

秋及臘間祠三歲天子壹郊見其秋為伐

南越告禱泰一以牡荆畫幡日月北斗登

龍以象大一三星為泰一鑿旗李奇曰牡荆作幡柄也如

淳曰牡荆荆之無子者皆繫齋之道晉灼曰牡節閒不相當也月暈刻之為券以畏病者天文志天極星其一

明者大一也旁三星三公也畫一星在後三星在前為泰一鑿旗師古曰李晉二說是也以牡荆為幡竿而畫

幡為日月龍及星。宋祁曰淳化本作泰一絳旗注同越本止云泰一絳無旗字新本云泰一鑿亦無旗字

命曰靈旗為兵禱則太史奉以指所伐國

而五利將軍使不敢入海之泰山祠上使

人隨驗實無所見五利妄言見其師其方

盡多不讎師古曰讎應當也上廼誅五利其冬

公孫卿侯神河南言見僊人迹緱氏城上

有物如雉往來城上天子親幸緱氏視迹

問卿得毋効文成五利乎卿曰僊者非有

求人主人王者求之其道非少寬暇神不

來言神事如迂誕師古曰迂回遠也誕大言也積以歲廼可

郊祀志

致於是郡國各除道繕治宮館名山神祠

所以望幸矣其春既滅南越嬖臣李延年

以好音見上善之下公卿議曰民間祠有

鼓舞樂今郊祀而無樂豈稱乎公卿曰古

者祠天地皆有樂而神祇可得而禮或曰

泰帝使素女鼓五十絃瑟帝禁不止師古

曰泰帝亦謂秦昊也故破其瑟為二十五絃於

是塞南越禱祠泰一后土始用樂舞益召

歌兒師古曰師古曰益多也作二十五絃及空侯瑟自此起

蘇林曰作空侯與瑟。宋祁曰邵本空作坎。其來年冬上議曰古者

先振兵釋旅然後封禪廼遂北巡朔方勤

兵十餘萬騎還祭黃帝冢橋山釋兵涼如

李奇曰地名也上曰吾聞黃帝不死有冢何也或對

曰黃帝以僊上天羣臣葬其衣冠既至甘

泉為且用事泰山先類祠泰一師古曰且猶將也類祠謂

以事類而祭也自得寶鼎上與公卿諸生議封禪封

禪用希曠絕莫知其儀體而羣儒采封禪

尚書周官王制之望祀射牛事師古曰天子有事宗廟必

自射牲蓋示親殺也事見國語也齊人丁公年九十餘曰封

禪者古不死之名也秦皇帝不得上封陞

下必欲上稍上師古曰稍漸也即無風雨遂上封矣

上於是廼令諸儒習射牛草封禪儀數年

至且行天子既聞公孫卿及方士之言黃

帝以上封禪皆致怪物與神通欲放黃帝

師古曰放依也音甫往反**以接神人蓬萊高世比德於九**

皇張晏曰三皇之前有人皇九首章昭曰上古有人皇者九人師古曰章說者是也。劉敞曰予謂董仲舒書

言周人推神農為九皇此是矣**而頗采儒術以文之羣儒既**

已不能辯明封禪事又拘於詩書古文而不

敢騁上為封祠器視羣儒師古曰視讀曰示**羣儒或**

曰不與古同徐偃又曰太常諸生行禮不

如魯善師古曰徐偃博士姓名**周霸屬園封事**服虔曰屬會也會諸

儒園封事也師古曰周霸亦人姓名也屬音之欲反**於是上黜偃霸而盡罷**

諸儒弗用三月宋祁曰本紀作正月**廼東幸緱氏禮**

登中嶽太室從官在山上聞若有言萬歲

云問上上不言問下下不言廼令祠官加

增太室祠禁毋伐其山木以山下戶凡三

百封師古曰密古崇字耳以崇奉嵩高之山故謂之密高奉邑

奉音扶用反**獨給祠復無有所與**師古曰復音方目反與讀曰豫**上**

因東上泰山如淳曰言易上也泰山從南面直上步道三十里車道百里**泰山**

草木未生廼令人上石立之泰山巔師古曰從山下

轉石而上遂東巡海上行禮祠八神齊人之

上疏言神怪奇方者以萬數廼益發船令

言海中神山者數千人求蓬萊神人公孫

卿持節常先行候名山至東萊言夜見大

人長數丈就之則不見見其迹甚大類禽

獸云羣臣有言見一老父牽狗言吾欲見

鉅公鄭氏曰天子也張晏曰天子為天下父故曰鉅公也師古曰鉅大也已忽不見

上既見大迹未信及羣臣又言老父則大

以為僊人也宿留海上師古曰宿留謂有所須待也宿音先就反留音

力就反它皆類此與方士傳車師古曰傳音張慈反及間使求神

僊人以千數師古曰間微也隨間隙而行也四月還至奉高

上念諸儒及方士言封禪人殊不經難施

行師古曰人人殊異又不合經故難以施行天子至梁父禮祠地主

至乙卯令侍中儒者皮弁縉紳射牛行事

封泰山下東方如郊祠泰一之禮封廣丈

二尺高九尺其下則有玉牒書書祕禮畢

是也瓚說還至瓠子自臨塞波河留二日湛祠

而去師古曰湛讀曰沈謂沈祭具於水中也爾雅曰祭川曰浮沈

右將監本杭本越本及三劉宋祁諸

本參校凡有異同各附於古注之下

郊祀志第五上

